

4
LE VRAY
COMBAT ET
LA VICTOIRE CONTRE
LA PESTE.

Contenant notables remèdes, tant pour
éviter le mal, que pour remédier
quand on se sent frappé.

*Le tout bien approuvé & expérimenté
de personnes Doctes.*



A PARIS,
Chez JEAN MESTAIS, Imprimeur & Libraire
demeurant à la porte S. Victor.

M. DC, XXXI,


LE VRAI
COMBAT ET

LA VICTOIRE CONTRE

LA PESTE

Comme nos plaies et tant pour
éviter le mal, que pour remédier
dans un tel cas.

Il faut bien approuver l'expérience
de plusieurs Doctes.





LE VRAY COMBAT ET
*la victoire contre la Peste. Contenant
 notables remedes, tant pour éuiter le
 mal, que pour remedier quand on est
 frappé.*



Eux qui ont veu ou senty le
 fleau de la Peste peuuent tesmoi-
 gner combien le mal est perni-
 cieux, espouventable & diuers,
 Ezechiel dit: La pestilence estre vne des qua-
 tre punitions de Dieu. Artaxerxes Roy de
 Perse l'appelle vne beste venimeuse, enne-
 mie mortelle du genre humain, par laquelle
 nous sommes combatus sans combattre. Ce
 mal pestilent est si mauuais qu'incontinent
 que quelqu'un en est atteint, comme estant
 condamné à mort, sans courage perd toute
 esperance de santé, l'horreur & l'espouuante
 est si grand qu'aussi tost on est delaisé de ses
 amis, priué de secours, chassé de la ville: Et si
 d'auanture quelque Medecin ou Chirurgie

les assistent, on l'haborre & s'enfuyent d'eux comme de la peste mesme. La varieté & diuersité de ce mal apparroist non seulement en ses effects, symptomes & accidents, mais aussi se manifeste en la curation & remedes ; car ce qui profite en vne espece de peste, est inutile en l'autre. Vn remede profitant à l'vn, est nuisant à l'autre. Mais nous voyons ordinairement que par bonne façon de viure, par Antidotes propres, plusieurs eurent la mort. Pourquoy conuient en diligence donner ordre à vne calamité si vrgente, puis qu'il a pleu à Dieu affliger cette ville, & confusion du peuple. Les prieres publiques à Dieu & inciter vn chacun à amendement de vie, comme desia a si bien & sagement commencé le deuot & tres-prudent Curé de S. Nicolas du Chardonnet, ayant fait imprimer vn traité spirituel, qui se vend à la porte S. Victor par I. Mestais. C'est vne action sainte & d'un homme Chrestien, l'ayant publié luy mesme à ses Parroissiens.

Or d'autant que communement la peste faist premieremēt le populaire & les pauvres, lesquels de peur d'estre enfermez, chassiez ou delaissez tant des Chirurgiens & Medecins: comme aussi abandonnez de leurs parens & amis, celent & cachent leur mal, & de là vien-

5
que la maladie n'est descouuerte qu'elle ne
soit du tout incurable. Je laisse à Messieurs
de la Police à remedier atels abus, estant sa-
ges & discrets pour donner ordre à tout. Je
donne icy seulement les Receptes, aduis &
remedes plus brieufs, faisables, & moins ob-
scurs qui me sera possible.

De la nature & disinction de la Peste.

CHAPITRE I.

LA Peste est maladie commune & populaire,
trauissant plusieurs, prouenant d'une vapeur
veneneuse de l'air, lequel attiré infecte le cœur.
Peste est vne maladie contagieuse & tres perni-
cieuse, accompagnee le plus souuent de fieures
chaudes, de bubons, de charbons, de morbilles &
d'autres grieux accidents: & Galien dit, Peste est
corruption d'air offencant le corps humain.

Des causes de Peste.

CHAP. II.

COmbien que la cause de pestilence ne soit
manifeste ny apparente, mais cachée & oc-
culte, & bien esloignée de nos sens. Nous lisons
toutefois en la sainte Escriture que c'est vn
fleau de Dieu, pour punir & chastier nos fautes &
pechez. Pourquoy la premiere & principale & la
plus certaine cause de Peste se doit referer à la ius-
tice, secret & iugement de Dieu. La seconde in-

ferieure & naturelle cause de peste c'est l'attraction de l'air infect & accompagné de certaine vapeur veneneuse, ennemie & contraire au cœur, laquelle est excitée de quelque mauuaise exhalaison esleuee d'en bas : où est cause de quelque maligne influence des astres, ou autres fortes impressions celestes. Les saisons aussi de l'annee ne gardans point leurs temperamens, peuuent corrompre l'air, & estre cause de peste.

Des signes de Peste

CHAP. III.

Les signes que pouuons reconnoistre la peste aduenir sont pris de la partie de l'annee, qui ne retient son naturel temperament, quand on void les pluyes durer trop longtems avec vents Australs ou de midy. Quand l'hier est pluuieux sans froidure. Le Printemps froid & sec. L'Esté suiuant chaud, & humide & fort pluuieux. Quand l'on void l'air troublé, gros, nebuleux, sans vêts, principalement Septentrionaux : & quand en mesme iour on a froid & chaud : quand l'air se trouble & s'éclaircit en mesme iour, où estant nebuleux menasse de pluye & ne pleut point. Des Cometes, Estoilles ardentes, Eclipses & autres impressions celestes l'on preuoit la peste aduenir. Comme aussi quand nous voyons la petite verole, le pourpre, les vêts à plusieurs tant grâds que petits, la multitude des animaux engendrez de pourriture, comme mouches, puces, grenouilles, souris, chenilles, vers de terre : & semblables

tesmoignent grande putrefaction & corruption. Les signes par lesquels nous cōnoissons les maladies presentes sont diuers & variables pour la variété des corps & des humeurs. La fièvre par dehors n'a chaleur acré ny vehemente, mais plustost vne froideur des extremités, & au dedas y a chaleur intolerable avec agitation & inquietude, avec vomissement ou appetit de vomir, soit extreme, dégoûtement, syncope ou foiblesse de cœur, douleur de teste avec resueries & assoupissement, & quand le bubon ou charbon veut sortir, puanteur d'haleine, le poux foible, obscur, petit, vif, frequent & fort inegal, l'vrine quelquefois blanche, crue, noire, trouble, rougeastre, liuide. Les excremens noirs, liuides, puantes, quelques fois flux de ventre avec matiere claire, scumeuse & fort puante. Le poux & l'vrine quelques fois ne varient rien du naturel, quand plusieurs meurent soudainement, & plustost qu'on ne pensoit. Signes tres assurez sont, bubons, charbons, pourpre, ou tac de diuerses couleurs.

Les signes pour connoistre si vn corps mort estoit infecté de peste, sont, grandes mollesse de tout le corps, grande puanteur, bosse, charbon, morbilles, taches noires, vertes ou violettes, ou pustules noires ou liuides. et s'il n'apparoist aucun signe susdit, pour estre mieux assure du fait, il faut lauer le corps mort de vinaigre fort chaud, les taches qui estoient rentrez dans le corps sortiront dehors & apparoiſtront manifestement.

Des temps, lieux, & corps plus suiets à la peste:

C H A P. IV.

CObien que la peste en tout temps se puisse engendrer, neâtmoins elle est tousiours plus frequente vers la fin de l'Esté, & commencement de l'Automne selon le cours de nature. & quelquefois au Printemps, car communement on tient qu'en grand Esté ou en grand Hyuer elle perd sa force. Mais vrayement faut croire qu'és villes fort peuplées & voisines de grandes riuieres il y a plus grande affliction de ce mal. Les cacochymes, oppilez, trop humides intemperés, trop addonnez à Venus, mal nourris, viuans salement & en l'ordure. Les enfans, les femmes enceintes, sont en plus grand danger, les melancoliques & biblieux resistent plus à ce mal, & ceux qui sans peurny crainre avec bonne fiance viuent sobrement, nettement & fuyent oyfueté trop grande, & trop vehement exercice, les vieillards sont moins suiets à ce mal selon Pline, ch. 7. & 3.

De la preservation:

C H A P. V.

AVant que venir à la cure de la peste, il faut premierement parler de la preservation. Incontinent qu'il y a soupçon de peste en quelque lieu, ayant premierement eu recours à Dieu par prieres, le meilleur remede & le plus asseuré est de changer de lieu, & se retirer en quelque air salubre. Si pour le deuoir de la charge, ou pour quelque autre occasion on ne peut aller ail-

leurs

leurs. On se doit gouverner en la façon qui s'en-
suit: Le lieu de la demeure doit estre net, ne hater
beaucoup de personnes. Qu'on achete rien de
corrompu, en la maison où on sera, faut garder
pureté, faire grand feu de bois sec, du serment, &
quelquesfois on brullera du bois odoriferant co-
me du Laurier, Genevre, Sapin, Cypres, Pin, Ro-
marin ou semblables.

On fera dans la chambre parfums d'encens,
storax, benioin, mirthe, roses seiches, escorces de
citron sec, ou d'orange, de graine de Laurier, de
feueilles seiches de laurinde, sauge, marjolaine, &
autres, lesquels parfums serviront aussi pour les
habits, & pour les lits, les fenestres de la maison
seront clausées les iours nebulieux & pluuieux, les
autres soient ouuertes, celles qui regardent le
Nort & l'Orient. Ne faut sortir de la maison auant
que le Soleil n'ait dissipé les vapeurs de l'air. Il
est bon de desjeuner auant que de sortir, on doit
estre sobre au boire & manger, les excez rendent
le corps trop humide, aussi trop grande abstinenc-
e rend la chaleur plus acree. Les viandes soient
bonnes, le vin soit trempé de bonne eau. Si la
contagion vient d'en bas, le dormir ordinaire est
bon qui est 7. heures, dormir apres le repas cause
crudité & remplit la teste d'humeurs. Exercice
modéré & non violent le matin & apres disner.
La tranquillité d'esprit & la ioye mediocre est
bonne. La concupiscence de la chair est fort dan-
gereuse. Galien liure i. ch. 4. des differences des
fieures donne vne briefue preservation contre la
peste, à sçauoir que les corps humides soient de-
seichez, les secs soient gardez en leur estat, les

corps cacochymes & excrementeux soient purgez, les obstructions & opilations soient ostées par medicamens propres.

Antidotes & remedes preseruatifs.

CHAP. VI.

EN temps de peste nous attirons par inspiration ordinaire l'air infecté, il est expedient d'yser de quelque remede preseruatif, il est bon le matin auant que sortir prendre quelque antidote, & des plus aisez & simples. On tient que les citrons & orenges ont vne merueilleuse vertu contre l'air pestilent, la racine d'Angelique & de gentiane, le commun peuple vse de la racine de Enula campana trempee avec du vinaigre & enueloppee avec vn linge delié, laquelle portee on la sent souvent: le bouillon blanc est bon cōtre tout venin, le jus exprimé beu avec du vin blanc guerit la peste. La vinete est bonne en prenant vn morceau d'icelle auant disner & souper, dās vn verre on y mettra vne poignée de vinete avec de bon vinaigre la nuit, & le matin on en prendra sept ou 8. fueilles. La conserue de fueilles d'œillet ou son eau distillee la prenant tous les matins.

La rue resiste à tout venin de laquelle on vse diuersement, on pile quelques fueilles avec du vin ou bien on mange quelques fueilles avec vn peu d'huile, de vinaigre & de sel. Le remede suivant de Galien & autres Medecins, que celui qui en prend ne peut estre endommagé d'aucun venin. Prenez vingt feuilles de rue, deux noix communes, deux figues grasses, vn grain de sel, mellez tout

ensemble, & en prenez le marin vn morceau, & beuvez vn peu de vin blanc apres.

Contre les Charbons ou bubons.

CHAP. VII.

IL conuient de donner le remede pour ceux qui sont desia atteints & malades, auxquels les sueurs leur sont bonnes, & partant faut prendre du fruit de Laurier biē meur, graine de lierre aussi bien meure, parties égales, faictes les seicher à l'ombre, & les mettez dans vn sachet de cuir, ou dans vne boete & les gardez, & en tēps de peste mettez les en poudre, & d'icelle en baillez vne drachme avec du vin blanc, ou avec eau de chardon benit ou scabieuse & soit fait potus: lequel sera pris en suant.

Plus faut prendre de l'huile dudit frui & de Laurier avec eau de chardon benit pour prouoquer la sueur, si la sueur n'est prouoquee par ces remedes, faut mettre aux plantes des pieds des carreaux ou des cailloux esteints en vin ou en decoction propres & enuelopez d'un linge avec herbes de bonne senteur, & sur l'estomac sera mise vne rostie de pain commun trempee en vin & vinaigre, avec poudre de muscade & cloux de girofle. Sur tout on doit auoir esgard aux forces du malade lesquels seront entretenues avec de bōs bouillons faits avec du mouton, veau & poulaille, vinete bouroche, pinpernelle, avec ius de citron, vn iaune d'œuf mollet.

Plus prenez bonne eau de fontaine enuiron quatre liures, faites la bouillir avec deux dragmes

de poudre de corne de cerf mis dans vn linge ad-
ioustez sur la fin trois onces de sucre, vne drag-
me de canelle & les colez, puis y meslez demie li-
ure de chardon benit, & vne once & demie de ius
de citron. Cela est grandement bon.

Pour le charbon commence à meurir, prenez
vne poule toute viue & la plumez par le fonde-
ment & là mettez sondit fondement sur le mal
chiron de mie heure, elle tirera la poison du mal
& la poulle mourra aussi tost, & si en mettez deux
ou trois de suite cela soulagera le malade.

Qu'est-ce du Bubon.

C H A P. VIII.

BV bon pestilent est appelé peste, bocc ou fi-
gne, est vne tumeur phlegmoneuse engen-
drée es tmoiettoires, lors que nature descharge
sur que que membre noble du venin contagieux
qui le faschoit. Au commencement de la bocc les
malades sentent vne pointe douloureuse, & trou-
uent comme vne petite noisete, laquelle peu à
peu s'augmente comme vn œuf ou comme vne
pomme & tousiours en grossissant. Sera pre-
miere forme est mobile, & pres deuient ro-
de & pointue & immobile, le bubon apparoit
plustost que la lieue c'est bon signe, nature est
forte & robuste, qui a bien tost chassé dehors le
venin, Le bubon lo rtant apres la fiere si ce n'est
en iour critic & qui croist lentement, est mauuais
signe, nature est desia surmontee du venin par la
furie duquel est engendré le dit bubon. Le bubo
de couleur rouge est moins dangereux, les moins

liuides, vers, violetts, sont mortels. Les bubons sous les aisselles, & derriere les oreilles & glandules du col sont dangereux, ceux des aines moins dangereux. Vn bubon apparoissant & soudain reentrant avec mauvais accidens est signe mortel, quand viendra quantité de bubons il n'est pas à craindre comme des charbons. Quand le bubon pestilent apparoist en quelque emôctoire, il faut ayder à nature & attirer dehors la matiere veneneuse pour garantir les parties nobles. Faut incontinent oindre le lieu du bubon avec huile de lis, de camemile, de mariolaine pour le redre mol & y appliquer vne ventouze premierement simple, apres aussi avec scarification pour vider le sang ennemié, & pour attirer le venin au dehors, & si le lieu n'est capable de supporter ventouze, comme dessus les aisselles, & quelquefois derriere l'oreille, ou quand il y a douleur vehemente, il faut appliquer la ventouze à la partie voisine, ou au lieu des ventouzes on peut mettre sur la boce & parties voisines deux ou trois sangsues iusques à ce qu'elles ayent bien suffisamment tiré, & mettre les autres remedes que nous auons dit cy dessus.

La naissance du Charbon.

CHAP. IX.

Carbon est vne petite tumeur ou pustule maligne, furieuse, semblable au bubo, croissant peu à peu faisant vne grande douleur, ayant au milieu vne petite vessie semblable à celle de brusleure, fait par son aduersion vne vlcere avec

crouste, & aux parties prochaines grande inflammation. Quelquefois apparoit sans pustule, & des le commencement est vlcere avec crouste, les veines d'alentour sont de diuerses couleurs, à la sembla ce de l'arc celeste, Au lieu où est le charbon, on y sent vne grande pesanteur, au reste on y trouue les signes & symptomes qui accompagnent la peste, comme inquietude, defaillance de cœur, degoustement, vomissement, resueries & choses semblables. Il se peut engendrer en toute partie du corps, il est de diuers grandeurs au commencement, petit comme auons dit, puis cō me vn petit poix, comme vne noissetre, comme vn œuf, il est grand aux fesses, au ventre, au milieu des cuisses & des bras. Le charbon apparoyssant auant la fieure est bon signe, comme il a esté dit de la boce. Ceux qui sont rouges sont moins dāgereux que les noirs, liuides ou verts. Ceux qui sont situez sur l'edroit du cœur ou sur l'estomac, sont pernicioeux. Ceux qui occupent le menton ou la gorge estouffent bien tost le malade. Le charbon s'en retournant est signe de mort, principalement s'il suruiuent quelque mauvais signe. Le charbon suppuré & ouuert qui se desseche sans cause manifeste predit la mort. Les moindres sont moins malins que les grands, les grands & difformes tuent le plus souuent le malade.

Incontinent que le charbon apparoystra en quelque partie, on deffendra le dormir au malade, principalement le premier iour on luy donnera des antidotes & potions sudatiues, comme a esté dit.

Après tous ces moyens, faut attirer le venin

dehors & le resoudre, aussi comme a esté dit ; A quoy est tres-souuerain le remede suivant. Prenez vn citron ou vne orange, lequel party par le milieu sera cuit sous la cendre chaude en couurant de Theriaque chascque moitié, & sera souuent appliqué par l'espace de quatre ou cinq heures. Quelques-vns y appliquent de la mie de pain chaud tout venant du four. Aussi est-ce vn bon Cataplasme pour attirer le venin, prenez vn oignon, racine de lis, deuz onces, fucilles de rue, & l'escabieuse, le tout cuit & passé, & y adioustez vne once de leuain, vne once de Theriaque, trois ou quatre jaunes d'œufs, faictes dextremement ce Cataplasme & le renouuelez auant qu'il soit sec. La ventouze aussi avec scarifications assez profondes, principalement si la liuide ou noirceur de la partie menasse de gangrene. Les sangsues aussi y peuuent estre appliquez pour attirer & vider le sang veneneux. Apres il y faut mettre le Cataplasme fait avec deux jaunes d'œufs, avec suye de cheminee ou de four & vn peu de scel. Je trouue qu'il n'y a rien meilleur qu'incontinēt y mettre le feu, & cecy n'est nullement fascheux, pource que la chair estāt mortifiee ne sent point. Le cautere d'ocactuel appliqué sur la pustule est remede souuerain pour tarir & mortifier le venin, ou pour le moins le potentiel.

Je prie Dieu qu'il appaise son Ire : Afin que les remedes naturels puissent seruir.

*Ad maiorem Dei gloriam, in secula seculorum
Amen.*